



Na osnovu člana 20. Zakona o dopunskim pravima branilaca i članova njihovih porodica, ("Službene novine Tuzlanskog kantona", broj: drugi prečišćeni tekst -10/20 i 14/22), člana 14. Odluke o utvrđivanju uslova, kriterija i postupka za dodjelu stipendija braniteljima i članovima njihove porodice ("Službene novine Tuzlanskog kantona", broj: 16/15, 2/18 i broj: 02/1-04-000873-23 od 08.02.2023. godine i Odluke o terminu raspisivanja konkursa, broj: 15/1-04-000873-23 od 09.02.2022. godine, Ministarstvo za boračka pitanja Tuzlanskog kantona objavljuje

K O N K U R S

za dodjelu stipendija učenicima iz reda branilačke populacije Tuzlanskog kantona za školsku 2022/2023 godinu

I Korisnici prava po ovom Konkursu:

Pravo na dodjelu stipendija po ovom Konkursu ima lice iz člana 20. stav (1) Zakona o dopunskim pravima branilaca i članova njihovih porodica, ("Službene novine Tuzlanskog kantona", broj: drugi prečišćeni tekst - 10/20 i 14/22), u daljem tekstu: Zakon), odnosno: dijete poginulog, umrlog i nestalog branioca, dijete ratnog vojnog invalida, dijete dobitnika ratnog priznanja i odlikovanja i dijete demobilisanog branioca (u daljem tekstu: kandidati), ukoliko redovno pohađaju srednju školu.

II Uslov za dodjelu stipendija

Pravo na dodjelu stipendija po ovom Konkursu ima kandidat pod uslovom da:

- a) ima prijavljeno mjesto prebivališta na području Kantona, odnosno mjesto boravišta u statusu raseljene osobe na području Kantona,
- b) je prije ostvarenog povratka u predratno mjesto prebivališta imao status raseljene osobe na području Kantona,
- c) je u tekućoj školskoj godini prvi put upisao određeni razred i
- d) je redovan učenik srednje škole.

III Ograničenje prava na dodjelu stipendije

(1) Pravo na dodjelu stipendija po ovom Konkursu nema kandidat koji:

- a) je u tekućoj školskoj godini, u istoj ili drugoj srednjoj školi, ponovno upisao istu školsku godinu,
- b) već prima stipendiju po drugom osnovu,
- c) čiji roditelji imaju dug po osnovu javnih prihoda iz prethodnih godina,
- d) živi u porodičnom domaćinstvu gdje se ostvaruju mjesečna novčana primanja po članu domaćinstva veća od 50,1% prosječne neto plaće ostvarene u Federaciji Bosne i Hercegovine (u daljem tekstu: FBiH), u prethodnoj godini prema podacima Zavoda za statistiku Federacije Bosne i Hercegovine i
- e) ima ostvaren prosjek ocjena ispod 3,5 izuzev kandidata koji upisuju drugi, treći ili četvrti razred, a obrazuju se za deficitarna zanimanja, u skladu sa odlukom koju donosi Vlada Tuzlanskog kantona za svaku školsku godinu.

(2) Pravo učešća po ovom konkursu nema kandidat čiji roditelj/ staratelj u sastavu Oružanih snaga nije proveo najmanje dvanaest mjeseci u periodu od 18.09.1991. godine do 22.04.1996. godine.

(3) U slučaju da se naknadno utvrdi postojanje činjenica iz stava (1) i (2) ove tačke, kandidat se eliminiše iz daljnjeg postupka dodjele stipendije, a isplata već odobrene stipendije se obustavlja.

IV Kriteriji za dodjelu stipendija

(1) Lista kandidata se utvrđuje na osnovu ostvarenog broja bodova utvrđenog po osnovu sljedećih kriterija:

- a) ostvarenog uspjeha u prethodno završenoj školskoj godini,



- b) imovinskog cenzusa,
- c) branilačkog statusa,
- d) ratnih priznanja i odlikovanja,
- e) zdravstvenog stanja i
- f) osvojenih nagrada i plaketa.

V Izbor kandidata bez bodovanja

(1) Kandidat sa prosjekom ocjena 5,00 kao i kandidat u statusu djeteta šehida-poginulog borca bez oba roditelja, ukoliko živi u porodičnom domaćinstvu gdje se ostvaruju mjesečna novčana primanja po članu domaćinstva manja od 50,1% prosječne neto plaće ostvarene u Federaciji u prethodnoj godini prema podacima Zavoda za statistiku Federacije Bosne i Hercegovine uvrstit će se na listu kandidata bez utvrđivanja bodova po kriterijima iz stava (1) ove tačke.

(2) Pod prosjekom ocjena iz stava (1) ovoga člana podrazumjeva se ukupan prosjek ocjena kandidata u toku školovanja u srednjoškolskoj ustanovi koju pohađa, a u slučaju upisa prvog razreda, prosjek ocjena iz prethodne četiri godine redovnog školovanja.

VI Prioritet za dodjelu stipendija

Ukoliko na listi dva ili više kandidata imaju isti ukupan broj bodova, izuzev kandidata iz člana 7. Odluke o utvrđivanju uslova, kriterija i postupka za dodjelu stipendija braniteljima i članovima njihove porodice prednost po navedenom redoslijedu ima:

- a) djete šehida-poginulog borca,
- b) učenik iz porodice RVI sa većim procentom invaliditeta,
- c) učenik iz porodice većeg ratnog priznanja i odlikovanja,
- d) učenik iz porodice DB sa dužim stažom učešća roditelja u OS,
- e) učenik sa većim prosjekom ocjena i
- f) učenik lošijeg materijalnog položaja.

VII Prava i obaveze Kandidata i način isplate sredstava

(1) Kandidat koji ostvari pravo na stipendiju, obavezan je sa Ministarstvom zaključiti Ugovor o stipendiranju, u roku od 30 dana od dana isticanja Konačne rang liste na web-stranici Vlade Tuzlanskog kantona.

(2) Kandidat koji u navedenom roku ne potpiše ugovor, smatrat će se da je odustao od stipendije, izuzev u slučaju ukoliko kandidat odnosno roditelj/staratelj iz opravdanih razloga nije u mogućnosti potpisati ugovor o čemu dostavlja dokaz.

(3) Ugovor potpisuje punoljetni kandidat, a za maloljetnog kandidata ugovor potpisuje roditelj ili staratelj.

VIII Gubitak prava na stipendiranje

(1) Korisnik stipendije gubi pravo na dalju isplatu, ako u toku školske godine:

- a) bude mu izrečena disciplinska mjera isključenja iz srednje škole,
- b) bude upućen na izdržavanje kazne zatvora u trajanju dužem od tri mjeseca,
- c) redovno ne nastavi školovanje u drugom polugodištu,
- d) po nekom drugom osnovu prestane mu status redovnog učenika,
- e) počne da prima stipendiju od drugog davaoca stipendije, od dana početka primanja te stipendije i
- f) naknadno se utvrdi da su prilikom prijave na konkurs od strane kandidata iznesene netačne činjenice (materijalno stanje kandidata i članova porodice, izjava da ne prima stipendiju iz drugog izvora, i dr).

(2) Korisnik stipendije dužan je prijaviti svaku nastalu promjenu iz stava (1) ovoga člana, u roku od 15 dana od dana nastanka promjene.

(3) U slučajevima iz stava (1) ove tačke roditelj-staratelj učenika i kandidat koji je potpisnik ugovora o stipendiranju, dužan je vratiti sav iznos primljenih sredstava, uz pripadajuću zakonsku kamatu, na način i u rokovima utvrđenim ugovorom.

(4) Stipendija se isplaćuje u devet ratama, ovisno od priliva sredstava u Budžet Tuzlanskog kantona putem računa kandidata otvorenog kod banke, u skladu sa ugovorom o stipendiranju.

IX Potrebna dokumentacija

PRILOG 1.

popis potrebne dokumentacije uz zahtjev za dodjelu stipendija učenicima

(1) Kandidat prilaže sljedeću dokumentaciju, kako slijedi:

Redni broj:	Naziv dokumenta	Organ koji ga izdaje dokument
1.	zahtjev za dodjelu stipendije redovnim učenicima u školskoj 2022/2023 godini (<i>original</i>)	Ministarstvo za boračka pitanja ili Nadležna gradska/općinska služba
2.	kućna lista kandidata u kojoj su navedeni svi članovi porodičnog domaćinstva, (<i>original ili ovjerena fotokopija</i>)	Nadležna gradska/općinska služba
3.	a) za članove PŠ-PB i RVI kopija prvostepenog ili revizionog rješenja (posljednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti branilačkoj populaciji koji izdaje nadležni organ odbrane, (<i>dokumenti pod a), b) ili c) moraju biti dostavljeni kao original ili ovjerena fotokopija</i>)	Gradska/općinska služba za branilačko invalidsku zaštitu Federalno ministarstvo za pitanja boraca i invalida odbrambeno oslobodilačkog rata - Grupe za pitanja evidencije iz oblasti vojne obaveze
4.	dokaz o priznanjima u OS BiH (<i>original ili ovjerena fotokopija</i>) <i>Napomena: Uz ovaj dokaz neophodno je dostaviti i dokaz iz tačke 3. u zavisnosti od pripadnosti boračkoj populaciji</i>	Federalno ministarstvo za pitanja boraca i invalida odbrambeno oslobodilačkog rata
5.	dokazi o zaposlenju i visini stalnih izvora prihoda za oba roditelja i ostale punoljetne članove porodičnog domaćinstva navedene u kućnoj listi a) posljednja platna lista ovjerena potpisom i pečatom poslodavca ili uvjerenje poslodavca o visini posljednje mjesečne plate ili b) ček od PIO penzije ili c) za lica koja imaju registrovanu samostalnu djelatnost obrazac JS 3650 d) GPD i SPR obrasci godišnje prijave (<i>original ili ovjerena fotokopija</i>)	Porezna uprava FBiH, Ispostave Porezne uprave ili Poslodavac kod kojeg je zaposlenje ili PIO/MIO
6.	uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, za sve nezaposlene članove domaćinstva uvjerenje iz ispostave porezne uprave da se lica ne vodi u jedinstvenom sistemu registracije, kontrole i naplate prihoda kao dokaz o statusu nezaposlenosti, (<i>original ili ovjerena fotokopija</i>)	Služba za za zapošljavanje ili Porezna uprava FBiH Ispostave porezne uprave
7.	uvjerenje za punoljetnog kandidata i punoljetne članove domaćinstva o dodatnim prihodima	Porezna uprava FBiH Ispostave porezne uprave



	<i>(original ili ovjerena fotokopija)</i>	
8.	uvjerenje o postojanju/nepostojanju duga po osnovu javnih prihoda za roditelje za prethodne godine <i>(original ili ovjerena fotokopija)</i>	Porezna uprava FBiH Ispostave porezne uprave
9.	uvjerenje o redovnom školovanju za sve članove porodičnog domaćinstva, navedene na kućnoj listi, koji se nalaze na redovnom školovanju <i>(original ili ovjerena fotokopija)</i>	Obrazovne ustanove
10.	uvjerenje o redovnom školovanju <i>(original ili ovjerena fotokopija)</i>	Ustanove srednjeg obrazovanja
11.	uvjerenje sa utvrđenim prosjekom ocjena u prethodno završenoj školskoj godini, <i>(original ili ovjerena fotokopija)</i> a u slučaju upisa prve godine srednje škole prosjek ocjena iz prethodne četiri godine redovnog školovanja ili svjedočanstva o završenim razredima <i>(original ili ovjerena fotokopija)</i>	Ustanove srednjeg / osnovnog obrazovanja
12.	dokaz o osvojenim nagradama i priznanjima u školskim i nastavnim aktivnostima iz prethodne školske godine: diplome o proglašenju učenika generacije; osvojene nagrade i priznanja na; međunarodnom / državnom / federalnom / kantonalnom takmičenju) <i>(original ili ovjerena fotokopija)</i>	Obrazovne ustanove
13.	rješenje o starateljstvu nad malodobnom djecom bez oba roditelja ukoliko je kandidat pod starateljstvom <i>(original ili ovjerena fotokopija)</i>	Centar za socijalni rad
14.	dokaz o zdravstvenom stanju kandidata ili člana domaćinstva izdat od strane ovlaštene zdravstvene ustanove i stručnog tima - konzilijuma, <u>ne stariji od šest mjeseci</u> samo za sledeća oboljenja: <i>respiratorne bolesti</i> (bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%, apsces pluća i medij astinuma, pitorax i respiratorni distres sindrom); <i>bolesti koštano - mišićnog sistema i vezivnog tkiva</i> (direktna infekcija zglobova kod infektivnih i parazitnih oboljenja, seropozitivni reumativni artitis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima); <i>neuromišićne bolesti</i> (progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitisi i encefalomijalitisi); <i>specifična stanja koja zahtijevaju skupi i doživotni tretman</i> (transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman) i <i>ostala oboljenja</i> (infarkt (srčani ili moždani), maligni tumori) <i>(original ili ovjerena fotokopija)</i> , dokaz o stanju poslije izvršenih operativnih zahvta, koje zahtijevaja duže bolničko liječenje, rehabilitaciju i intenzivni medikamentozni tretman za kandidata ili člana	JZU UKC

	porodičnog domaćinstva izdat od strane ovlaštene zdravstvene ustanove i stručnog tima - konzilijuma, <u>ne stariji od šest mjeseci, (original ili ovjerena fotokopija)</u>	
15.	izjava da kandidat ne prima stipendiju po drugom osnovu ovjerenu od strane nadležnog općinskog organa uprave ili notara (original)	Nadležna gradska/općinska služba ili notar

(2) Udove koje koriste pravo na porodičnu PIO/MIO, pored čeka PIO/MIO OBAVEZNE su dostaviti i dokaz o radno pravnom statusu-kumulativno (tačka 5. i 6.).

(3) Uz dokumentaciju prilaže se i fotokopija žiro računa, otvorenog kod poslovne banke, na ime UČENIKA.

PRILOG 2.
popis potrebne dokumentacije uz zahtjev za dodjelu stipendija
IZUZETNO USPJEŠNIM UČENICIMA
iz reda branioca i članova njihovih porodica

(1) Kandidat prilaže sljedeću dokumentaciju, kako slijedi:

Redni broj:	Naziv dokumenta	Organ koji ga izdaje dokument
1.	zahtjev za dodjelu stipendije <u>redovnim učenicima</u> u školskoj 2022/2023 godini (original)	Ministarstvo za boračka pitanja ili Nadležna gradska/općinska služba
2.	kućna lista kandidata u kojoj su navedeni svi članovi porodičnog domaćinstva, (original ili ovjerena fotokopija)	Nadležna gradska/općinska služba
3.	a) za članove PŠ-PB i RVI kopija prvostepenog ili revizionog rješenja (poslednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti branilačkoj populaciji koji izdaje nadležni organ odbrane, dokumenti pod a), b) ili c) moraju biti dostavljeni kao original ili ovjerena fotokopija	Gradska/Općinska služba za branilačko invalidsku zaštitu Federalno ministarstvo za pitanja boraca i invalida odbrambeno oslobodilačkog rata- Grupe za pitanja evidencije iz oblasti vojne obaveze
4.	dokazi o zaposlenju i visini stalnih izvora prihoda za oba roditelja i ostale punoljetne članove porodičnog domaćinstva navedene u kućnoj listi a) posljednja platna lista ovjerena potpisom i pečatom poslodavca ili uvjerenje poslodavca o visini posljednje mjesečne plate ili b) ček od PIO penzije ili c) za lica koja imaju registrovanu samostalnu djelatnost obrazac JS 3650 d) GPD i SPR obrasci godišnje prijave (original ili ovjerena fotokopija)	Porezna uprava FBiH, Ispostave Porezne uprave ili Poslodavac kod kojeg je zaposlenje ili PIO/MIO
5.	uvjerenje porezne uprave za punoljetnog kandidata i punoljetne članove domaćinstva <u>o dodatnim prihodima</u> (original ili ovjerena fotokopija)	Porezna uprava FBiH Ispostave porezne uprave
6.	uvjerenje službe za zapošljavanje za sve nezaposlene	Služba za zapošljavanje



	članove domaćinstva, a ukoliko se isti ne vode na evidenciji službe za zapošljavanje, za sve nezaposlene članove domaćinstva uvjerenje iz ispostave porezne uprave da se lica ne vodi u jedinstvenom sistemu registracije, kontrole i naplate prihoda kao dokaz o statusu nezaposlenosti, (original ili ovjerena fotokopija)	ili Porezna uprava FBiH Ispostave porezne uprave
7.	uvjerenje o postojanju/nepostojanju duga po osnovu javnih prihoda za roditelje za prethodne godine (original ili ovjerena fotokopija)	Porezna uprava FBiH Ispostave porezne uprave
8.	uvjerenje o redovnom školovanju za sve članove porodičnog domaćinstva, navedene na kućnoj listi, koji se nalaze na redovnom školovanju (original ili ovjerena fotokopija)	Obrazovne ustanove
9.	uvjerenje o redovnom školovanju (original ili ovjerena fotokopija)	Ustanove srednjeg obrazovanja
10.	uvjerenje sa utvrđenim prosjekom ocjena u svim prethodno završenim školskim godinama, a u slučaju upisa srednje škole prosjek ocjena iz prethodne četiri godine redovnog školovanja ili svjedočanstva o završenim razredima (original ili ovjerena fotokopija)	Ustanove osnovnog /srednjeg obrazovanja
11.	izjava da kandidat ne prima stipendiju po drugom osnovu ovjerenu od strane nadležnog gradskog/općinskog organa uprave ili notara (original),	Nadležna gradska/ općinska služba ili notar

(2) Udove koje koriste pravo na porodičnu PIO/MIO, pored čeka PIO/MIO OBAVEZNE su dostaviti i dokaz o radno pravnom statusu-kumulativno (tačka 4. i 6.)

(3) Uz dokumentaciju prilaže se i fotokopija žiro računa otvorenog kod poslovne banke, na ime UČENIKA.

X Rokovi za podnošenje zahtjeva

(1) Rok za podnošenje prijava po ovom Konkursu je 15 dana od dana objavljivanja na web-stranici Vlade Kantona, odnosno od **10.02.2023. - 25.02.2023. godine (petak).**

(2) Činjenice i dokazi iz dostavljenih prijava uzimaju se u razmatranje onakve kakve su postojale u momentu - danu zaključenja Konkursa. Dokumentacija dostavljena nakon roka za podnošenje prijava iz stava (1) ove tačke, neće se uzimati u obzir kao validna u postupku po prigovoru.

(3) Popunjeni jednoobrazni zahtjev, sa potrebnom dokumentacijom, podnosi se u zapečaćenoj koverti putem pošte ili na pisarnicu Zajedničkih službi kantonalnih organa na adresu: Tuzlanski kanton, Ministarstvo za boračka pitanja Tuzlanskog kantona, Ul. Maršala Tita do broja 34., 75 000 Tuzla, [sa naznakom] "Prijava na Konkurs za dodjelu stipendija učenicima branilačke populacije Tuzlanskog kantona za školsku 2022/2023 godinu"

(4) Obrazac zahtjeva, spisak potrebne dokumentacije i izjavu zainteresovan kandidat može preuzeti:

- sa web stranice Vlade Tuzlanskog kantona,
- u gradskoj /općinskoj službi za branilačko invalidsku zaštitu i
- u kantonalnim branilačkim savezima i udruženjima.

NAPOMENA:

Neblagovremene prijave neće se razmatrati.

O nepotpunim prijavama kandidati se obavještavaju isticanjem zasebnih listi.

MINISTARSTVO ZA BORAČKA PITANJA